

平鄉縣志

卷首 序圖 姓氏

目錄 凡例

卷一

星野

卷二

卷三

地理上

地理下

續修平鄉縣志舊序

治邑於殘破之區難矣志邑於遺闕之餘則尤難當搶攘未定之秋慮有流離則保聚宜亟防有伏莽則稽察宜嚴其事固較處常爲倍劇而要之成法可師舊章可做其有不必拘泥者又可因時審地而以吾意爲之是循職者猶能自勉未足爲難也若見聞莫及之事問掌籍於史胥半成蠹簡訪遺踪於父老多有異詞又况偏隅之措設不盡登於卷冊也一節之可風不盡顯於衆口也此而欲廣搜勤訪追述無遺卽有博聞強記之士猶戛戛難之况在未

平鄉縣志

序

一

嘗學道之俗吏耶余於同治二年夏叨令平邑甫下車存觀風問俗之意索邑乘讀之慨其曠廢不修者百有餘年矣其時邑經失守東寇未靖方汲汲於繕城垣清保甲舉團練以爲保障計無暇究心文獻也越三年境內安歲比稔邑之孝廉李君乾運與二三同人進而以修志請余自顧弇鄙因以任之難勝辭而李君等則懼夫日久而事益湮沒謂此舉爲不容緩余乃諾之卽於六年春設局採著爰集邑之紳耆分寄以搜舉先語於衆曰邑志者邑之史也昔韓昌黎論作史之難凜凜於天刑人禍盖以失實爲

懼也今邑志雖祇記善不同史之兼記善惡而或任濫得
羨名詎非誣乎所冀諸君子一秉至公善有可稱毋略微
賤而遺踈遠善無可述毋諛富顯而私姻親度幾免於鬼
責人非而亦無內疚矣衆聞而共然之凡所爲採錄者罔
不兢兢然以求其實不數月而草創粗就適有鹽梟捻匪
之踵擾停閣者逾年今秋臣寇蕩平乘暇哀集始蒞厥事
斯役也體式沿舊製前事遵原文而品評稱述一聽諸衆
論其編次則多出同事諸人之手是余祇受成而已亦何
難之有耶雖然刪訂錯訛時叅已見詳定義例自出主裁

平鄉縣志

序

一一

而一善之紀一事之書亦必再三詢考知有可據始錄於
篇區區之意竊有自見爲其難其慎者蓋闕其所不知而
紀其所可紀亦聊以脩文獻之徵已耳或曰志之所載詳
風土明制度表賢孝顯循良亦卽蒞斯邑者之治譜也余
於此則有憬然思而慙然愧矣旣授梓爰叙事之始未於


簡端

同治七年歲次戊辰仲冬月望日



欽加運同銜知平鄉縣事加五級


靈川禾邨氏蘇性撰

城池圖



縣署圖







平鄉縣志

卷

三





重修平鄉縣志舊序

郡邑之有志由來尚矣周官小史掌邦國之志春秋傳所稱周志鄭書是也外史掌四方之志則晉乘楚檮杌魯春秋是也今天下各省之志爲四方之志而畿輔之志則邦國之志也古者天子省方率五年一舉春日岱秋日華夏日衡山冬日恒岳其畿內則歲與吏民再相見也厥後巡狩時闕廼命太史採風以詔於王王於是乎審風俗出政教十五國之詩具在而首曰二南其軒輊固有在也且志者志天之文志地之理志人事之成敗志世數之沿革下

平鄉縣志

卷一

舊序

一

及一民一物一草一木昆蟲鳥獸魚鱉纖悉必志是上以備一人問俗之典而下以佐百執事之述職其有裨於省方采風之遺意詎不重歟我

國家統一區宇六合同風幅幘之廣亘古所未有

列聖相承重熙累洽典謨訓誥制度文爲視前代特爲精密康

熙雍正間

屢詔天下修志郡邑統於省省復爲通志上之史館以爲大一統之採擇以垂億萬年之成規

聖天子高居九重將欲體國經野修政立教明其剛柔燥濕之

宜悉其通塞險易之勢可按籍而考也然則

國史者列國之志之統會郡邑之志未始非

國史胚胎也維茲平鄉以九域視之僅彈丸黑子而已而地

屬衛境宿列昂分近復隸

邦畿千里之內其風淳其俗樸地可耕而人多率教喁喁然

皆嚮風慕義亦三輔之一良邑也其可志者足供摭摭顧

自康熙十九年前令卞公重修迄今已七十餘年矣其間

廢興沿革仕蹟人材蓋闕如也不及早續輯將愈久而愈

難搜羅其不致淹沒而弗彰者鮮矣而僕曩在關中三蒞

平鄉縣志

卷一

舊序

一一

巖邑兩攝方州待罪十有餘載修志之役亦數經矣繼以

憂去乾隆十二年冬來令茲土甫下車亟欲纂著因辦理

軍需馳驅八閱月嗣復連委大差今歲之春

駕幸江浙又奉 檄承辦差務幾無晷刻暇抵署後爰進邑之

紳士而謂之曰修志久厪予懷今獲少休盍亟襄之僉曰

唯又商之學博士鄭君君固廣川知名之士而好事文翰

者亦頷之以助予之不逮僕亦摒擋簿書廣搜博訪昕夕

參訂不濫不遺未三月之久而其志成易舊志編年紀事

之體爲綱八爲目五十有二裒然成帙以授之梓非敢好

異其體式然也私心竊自幸而乃猶有慮焉

國史爲

朝廷之書其於褒貶予奪賢奸忠佞大書特書釐然其不爽
邑志出有司之手善善長而惡惡短多獎藉而闕黜陟使
觀之者無炯戒之心而生冀倖之念亦奚可乎雖然前事
者後事之師也往古者近今之鑑也俾官斯土者覽志中
名宦若而人曰必若此而後爲良有司也而心怦怦然動
矣產斯土者讀志中列傳若而人曰必若此而後稱名臣
高士也而心必油然而興矣他如風俗如何而稱爲醅美

平鄉縣志

卷一

舊序

三

文藝如何而推爲高潔必有欣以羨者亦必有退然而色
沮者則斯志也寓懲創於褒美之中假予奪於取裁之外
使覽者有所觀感而興起焉未必非世道人心之一助也
是爲序

乾隆十六年歲次辛未七月旣望知平鄉縣事括蒼楊喬

譔

重修平鄉縣志舊序

五雲蓮渠楊侯有重修縣志之役囑余爲之副而校訂焉
志成公旣自爲敘而予亦得附數言於簡末竊謂邑之有
志即周官 意周官內史掌邦國之志外史掌四方之志
下至閭胥族師黨正亦歲月有書焉此縣志所由來也雖
然縣各有志而獨平鄉之志有不可以概論者平邑民淳
俗簡有上古遺風惜乎老成凋謝文獻缺如片紙貴於璘
璣一節重於千鈞取人爲善雖小必錄非悉心搜羅則湮
沒無聞矣茲役也事取其備而義取其嚴總期無失乎厲

平鄉縣志

卷一

舊序

四

世磨鈍之意焉科第仕宦前代以來雲蒸霞蔚至
國朝則幾於景星慶雲忠孝節義自舊志康熙十九年以後
泯滅者幾七十餘載昂畢災祥變於上沙洛漳溢變於下
城署增修橋閘興廢考其源委紀其時日其亦有慨然於
乘天因地創制垂範之意者乎

先聖之追贈加隆 關帝之祭奠彌尊其他設壇建祠秩祀
攸關灘丁省徭物蕃風厚若是者皆宜考實徵信以傳
世至職官立政或樹千秋坊表或被雅化一時振古爍今
亦當圖其不朽豈可不急思論定以記風烈之實乎哉舊

志編年規模非不宏遠但事跡多畧且散漫無所統繫茲則一變舊例體遵記傳爲綱八爲目五十有二事無未備之紀義無假託之端非敢輕變前人亦期與人爲善感發其一念之性真云爾雖然地無大小因人而變風氣欲開則人文起而應之自然之理也我

國家培養士類久道化成良有司興賢舉能菁莪樂育而一時沐其教者果能砥行立節以自見於

聖明之世平雖小邑將蒸蒸日上然有起色矣此志之作將以倣周官遺意而閭胥族師黨正之書由此升於史館以揚作

平鄉縣志

卷一

舊序

五

人之烈也余與楊侯共拭目以望之

乾隆十六年歲辛未七月旣望平鄉縣教諭棘津鄭廣緒
撰

重修平鄉縣志舊序

古今之遙可陳牘而知也天下之大可按籍而見也誰爲爲之曰有志也志者何曰即史也古者列國各有史秦漢而下郡邑例得爲志以志時事然志事矣而不志年非史也而且門類紛錯載記淆雜是兔園冊耳非史也余見而心竊疑之顧生茲三戶鄉知織寡昧弗敢輕議一曰友人劉子鼎以灤州志見示其書創自養吾陳公編年而繫以事條貫歸一易於省覽至于事宜詳載不便瑣贅于年之下如建置田賦之類者則別爲一卷而各年之下止書大

平鄉縣志

卷一

舊序

六

綱間有考究弗審仍須訂正者財爲附遺爲存疑爲辯誤于各卷之後其文直其事核其義嚴而正其言質而有徵蓋深得乎史之意而善變乎志之懺者也余見而心竊善之以質諸邑侯趙公芙溪公曰 欲繁繁則猥瑣而不整亦不欲簡簡則缺畧而難備若茲之體裁獨創詳畧得宜觀止矣可以爲師而廣文胡先生來 邑人張君國棟史君翼經張君明圖李子之實王子屬岐季子昌黃子師雲復力贊之侯曰唯唯遂于政事之暇節胃住乘採訪時事筆者筆削者削而定格摘藻一以灤志爲準若乃品

隲褒提則集輿人之月旦本生民之懿好一切適莫不與焉凡三閱月而書成將以授梓余見而心益竊有感矣夫士君子一行作吏百憂感心萬事勞形僕僕簿書期會之不暇而遑計其他若邑侯以館閣鴻裁製錦彈邑四年以來修明締造口不勝碑復能於游刃餘閒究心文獻振舉九十年不傳之廢典以儒術潤飾吏治南陽潁川之最績不于此畧見一斑也哉則茲志非志也並非史也卽邑侯之循良傳也余于是嘉其事而喜爲之序

康熙十一年壬子小春邑人趙培基題

重修平鄉縣志舊序

平鄉縣志自明萬歷之癸未年爲江都周司訓所纂輯迄今九十年矣崇禎戊寅燬其邑之三老子弟家間有缺文甲申之難又燬於是斷簡殘帙悉盡矣乾隆八年予不佞承乏茲邑自巴山來其時水潦初落覩茲鶉鷄噉粥之不暇遑他及乎客歲備兵使者暨襄國太守自北來傳督憲公命諭以去邑之繁費冗役予謹承嚴命今夏徂秋幸五風十雨柴關啓鹿車入粟繁黍穰顧茲色喜長日餘閒乃進諸父老耆舊而謀之曰邑之有志猶國之有史也善惡

平鄉縣志

卷一

舊序

八

於是乎備勸戒於是乎存顧可缺畧而弗彰也耶邑在邢州之東偏漳水環流太行在望每一登高峯巒迴疊南望清河肥水卽破釜沉舡處也北仰

神京則

天成不違顏咫尺焉東接堂陽西顧冰井三臺念魏文貞宋廣平之餘烈猶有存者至於俗尙然諾喜氣節雖平原大陸之地氣使然然而吞炭屠狗之遺風依稀見之茲欲裁抑其偏芒而一出於中正俾聞善而興見惡而戒則禮文誨迪之力顧可緩乎今喜得殘稿於明經張君家且邑中

諸博雅君子或掛冠投閒或鵬飛暫息咸萃於此予不佞亦欲賦田園荒蕪之詞三者一失則難圖也而可緩乎第亟營之無需於民僉曰諾乃設局於桂月八日訖事於十月望日謹序

康熙歲次壬子嘉平月吉旦西蜀彭門趙弼題

平鄉縣志

卷一

舊序

九

重修平鄉縣志舊序

志何爲而作也厥自輶車罷遣謠誦罔聞而郡縣陳風爰取於志編年紀事鉅典攸關是必詳畧得宜按籍如覩以不失乎作史者之遺意豈其徒襲虛文漫然率筆而曰志如是是亦足耶平邑爲順屬蕞爾僻處東隅密邇濁漳而士習絃誦農服稼穡俗頗淳樸云唯是乘載寥寥一燬於明季再燼於鼎初以故不若諸邑之分條析類蒐擇靡遺蓋有自己逮我

皇上龍飛之八年前令趙君弼始做灤州志自甲申迄於壬

平鄉縣志

卷一

舊序

十

子闡舊增新考訂刊布詞簡而義盡事核而實著誠合乎史法善乎志體已獨操左券於前也其誰得而易諸顧纂輯之後又復八載歷年以來賦役保無增減者乎制度保無沿革者乎灾祥可勿紀乎凶稔可勿書乎窮村僻巷節烈隱逸之流并可不必錄乎則修明缺畧表章風化是又有司者之責也畏不敏承乏茲土三年拮据靡甯懼不克勝任茲遵憲諭續修縣志平邑風俗建置已備前編唯於壬子後採見聞之最確者斟酌定當黽勉踵成一以舊志爲準然畏待罪已久數年間目擊漳流泛溢水滌頻仍

大約灾荒飢饉之文居多以致請蠲請賑時屢

聖天子之殷憂而恩膏下渙部使星馳婦子歡騰共沾德澤
後之覽斯志者當思

聖德如天蕩蕩難名雖深居簡出尙切民依屬在臣工責司
恬養其可不留心吏治曲計興除以母負

朝廷任人牧民之至意乎既志既竣復爲言以弁諸簡端時
康熙十九年歲在庚申中秋前三日知平鄉縣事襄平卞
三畏題

平鄉縣志

卷一

舊序

十一

舊序

平鄉縣屬順德九邑之一相傳邑舊多水患土俗民風視他邑亦不遠甚載籍亡散僅存不及他邑什之二三爾坐是邑乘失傳由來漸矣執事者病之誠缺典也哉先是邑侯勗吾何公首重此舉創意勗修維時以其事付之學博周陶二君暨二三庠士輩相與搜閱編摹漸次成帙未卒業何公報陞周陶二君亦相繼去事因不果良可慨夫已卯夏余承乏茲邑悼文獻之久湮嘉前修之未竟即欲黽勉踵而成之紹厥遺緒然以政務方殷因循歲月有志而

平鄉縣志

卷一

舊序

十二

未逮也癸未襮郡伯王公興衰飭治起敝維新一時城垣廟學悉從鼎建規模氣象改觀昔日殆霄壤矣尤惓惓注意文獻援郡志而更修刊布用垂不朽一日余以公家事謁公臺下公正色以邑志訊余且責成焉余唯唯退而掇晉吾遺稿與教諭思溪徐君謀徐君博雅君子也不以余爲不佞且仰承王公意慨以是事事焉考訂叅互繁者芟之譌者正之詞簡事該要之歸於約當如指掌然殫日夜之力凡閱月而稿成投余錄以呈公所公閱曰可遂捐俸需材俟明春和鳩工鋟諸梓是刻也始於癸未冬初竣於

甲申夏初嗟乎天下事顯晦有時振滯不偶理數然也平
邑載乘寥寥湮滅歷年不知凡幾十矣一旦揭然修著皆
郡伯王公一言激成之力也噫覩洛者思禹功後之君子
知所自焉則公之功大矣豈偶然耶因僭書之以識歲月
萬歷十二年孟夏吉旦知平鄉縣事海豐王應謹序

舊序

司訓江都周君元治所輯志稿二本手授邑博合肥徐公繼芳如例筆削君遂斟酌損益闡舊增新分類爲七分卷爲八既成將梓侯乃遣焦生爲光張生守謙等持幣屬余序余匪佞罔克辭因歎曰志者史也修惟艱哉昔左氏三子傳春秋人猶病其涉於誣短俗者誠哉志之難修也雖然孔子曰吾之於人也誰毀誰譽如有所譽必有所試斯民也三代之所以直道而行也夫直道在人求其當而已他何計哉迺閱茲志事覈而靡浮辭直而靡徇義正而靡

平鄉縣志

卷一

舊序

十四

刻體格辨而有裁詳而中綮如某也賢能某也孝廉某也節義緣名求實卓有真跡有得乎子長遺意後之讀茲志者必將曰某也果賢能某也果孝廉某也果節義非虛辭也思古慨今甯不勃然感悟比例而與觸類而起者乎其爲風化之助豈小小哉徒備一時之文獻而已耶草創萬歷癸未十月梓竟於明年甲申五月江西按察司副使郡人毛朮謹序

平鄉縣志重修目錄

卷首

九例 修志姓氏 目錄 疆域圖 城池圖 縣

治圖 學宮圖

卷一

星野

丰樞 辰 胃 畢 災祥附

卷二

地理上

平鄉縣志

卷一

目錄

十五

疆域 形勝 建置沿革 城池公署倉庫郵舖城鎮市集里社鄉村附

壇廟 祠坊附

卷三

地理下

學校 義學 田附 山川 橋梁 口附 古蹟 陵墓 附八景 後

卷四

典禮

朝賀 秩祀 迎春 耕藉 賓興 鄉飲酒禮

鄉約

卷五

田賦

地畝

戸口

錢糧

稅課
筭附鹽

保甲

遞馬

物産

風俗

卷六

職官

官師

防汎

封爵

卷七

選舉上

平郷縣志

卷一

目錄

十六

薦舉

進士

舉人

恩賜

貢生

卷八

選舉下

例貢監生

武進士

武舉

掾仕

訓術僧
道等附

武職

襲蔭

武職附

封贈

戚畹附

宦官

卷九

人物

仕蹟

忠節

孝子

義行

隱逸

仙釋

列女

卷十

藝文上

傳記

卷十一

藝文中

記疏序賦

卷十二

藝文下

詩

平鄉縣志

卷一

目錄

十七

平鄉縣修志姓氏

明

萬歷十二年

知縣何允升

知縣王應

教諭徐繼芳

訓導周元治

陶

國朝

平鄉縣志

卷一

姓氏

十八

康熙十一年

知縣趙弼

陵水縣知縣邑人趙培基

康熙十九年

知縣卞三畏

乾隆十六年

知縣楊喬

教諭鄭廣緒

訓導劉萬鎔

典史魯秉乾

採訪

舉人齊正

史懷仁

貢生賈汝礪

張錫緯

羅嶷

劉廷柱

劉懋能

鄭元福

王寅

黃道正

生員李學文

馬儼

李光祖

張宗思

平鄉縣志

卷一

姓氏

十九

監生夏體仁

潘滋

同治七年

知縣蘇性

教諭吳曾榮

訓導呂有志

光緒十二年

知縣吳沂

教諭劉登雲

訓導王定清

平鄉縣志重修姓氏

纂輯

平鄉縣知縣蘇性

參定

儒學教諭吳曾榮

儒學訓導呂有志

協修

舉人李金相 馬廷琛

潘肯堂 拔貢李之芳

平鄉縣志

卷一

姓氏

二十

校字

廩生張柄謙 梁繼晉

生員王廣訓 張家驊

採訪

貢生齊聖清 倪青雲 並校字監刊

趙心和 翰林院待詔 張範中 並校字監刊

候選主簿張玉桂 鴻臚寺序班 潘珏

候選主簿劉懷貞 廩膳生潘喆 並校字監刊

張蘭亭 董彝

朱得鹿

游文炳

生員

董起旺

張玉珂

王作礪

賀登雲

平鄉縣志

卷一

姓氏

二十一

平鄉縣志增修凡例

一舊志分爲綱八目五十有二今於選舉門增入恩賜又於文藝門增疏而刪詩餘計目五十有三其封爵之舊列選舉門者改列職官門醫學等之附職官後者改附掾仕後餘俱從舊即將後事分類續入

一乾隆十五年以前事蹟多依舊志原文就中亦有一二修補訂誤者如天文叙入太白經天地理不詳滏河諸閘並選舉門列封爵而封爵中記鄴侯之類要必確知有乖義例及衍文訛傳方敢有所增刪

平鄉縣志

卷一

凡例

二十二

一考之史書傳記有與舊志不同者在舊志相傳已久或有所本則仍存舊文爲之附疑於後以俟博雅者考正其凡附管見者俱以按字別之

一前志於歷代星變惟屬昴畢方載以此爲邑境分野之故嗣記

國朝所見彗孛並不指明宿度似與邑志無涉且乖舊例今刪之以免淆雜至乾隆以後星變雖有傳聞因未知是
否有關昴畢姑一律闕之

一舉貢中之有文行及職官中之有政蹟者似宜別爲文

一 邑志之有藝文宜取其有關於邑之風土人物制度者
方可採錄舊志因當時文藝太少登選過寬中有泛載
官紳詩文今查其最無關涉者刪之以明作志體例至
增入後來各詩文務本此意採取不敢效尤也
一 郡邑各志多紀勝景此雖無關體要亦足爲其地生色
舊志缺此今儒學吳呂二君共以增補爲言因取其足
以遊目騁懷之區列爲八景加以註釋附記卷末

靈川蘇性禾村氏識

